

DE
 INFLAMMATIONE
 MORBO ANIMALIUM ET
 VEGETABILIUM.

DISSESSATIO INAUGURALIS MEDICA,

QUAM,
 CONSENSU AMPLISSIMI MEDICORUM
 ORDINIS

IN
 UNIVERSITATE CAESAREA LITERARUM
 DORPATENSI,
 PRO GRADU
 DOCTORIS MEDICINAE

RITE IMPETRANDO,
 LOCO CONSUETO
 PUBLICE DEFENDET

AUCTOR
CAROLUS IHENRICUS SPÖRER,

LIVONUS.

DORPATI LIVONORUM
 EX OFFICINA ACADEMICA J. C. SCHÜNNMANN.

MDCCCXXIV.



53941

VIRO. EXCELLENTISSIMO. DOCTIS-
SIMO. EXPERIENTISSIMO.

I m p r i m a t u r,

ea tamen conditione, ut, simulac typis excusa fuerit
dissertatio, septem exemplaria collegio, cui librorum
censura mandata est, tradantur.

Dorpati Livonor. d. xxxi. Mart.

MDCCXXIV.

Fr. Parrot, h. t. Decanus.

CONRADO. DE. STOFFREGEN.

MEDICINAE. ET. CHIRURGIAE. DOCTORI.

A. CONSILII. STATUS. ACTUALIBUS. ARCHIATRO. SUAE. CAE-
SARAE. MAJRSTATIS. ELISABETHAE. ALEXIEWNAE.
ORDINUM. STI. WLADIMIRI. TERTIAE. CLASIS. ET. STA-
ANNAE. SECUNDAR. EQUITI. MEDICINAL. CONSIL. SODALI.
HONOR. ETC. ETC. AMICO. PATERNO. ET. MARGENATI.

SUO. PIA. MENTR. COLENDO.

2
463-155

Prooemium

TENUES. HASCE.

STUDIORUM. ACADEMICORUM.

PRIMITIAS.

OMNI. QUA. DECET. OBSERVANTIA.

SACRAS. ESSE. VOLUIT.

AUCTOR.

Ad conscribendum specimen inaugurale animum quum adverterem, maxime haesitans, quid thematis potissimum elaborandum deligerem, tandem de illo processu disserere constitui, quem in animantibus inflammationis nomine insignimus, cuius analogon neque in vegetabilibus est negandum. Materiam itaque elegi, circa quam diversae adhuc vigent opiniones, quam ob rem accuratissimam indagatione digna videretur. Minime igitur de themate, quod novitate excelleret, cogitandum existimavi, cum nova praeclera quae sint, invenire et pronunciare eorum sit, qui nota et vulgata quaeque apprime jamjam elaboraverint, tironem vero potius deceat versari in notissimis.

Quamquam dubium non est, scribere de inflammatione non posse, nisi qui multorum jamarbororum decursum viderit, magnamque experientiam acquisiverit, liceat tamen mihi, tironi,

ad me ipsum edocendum, quae in operibus veterum cum experientia virorum celeberrimorum nostrae aetatis congruentia inveni momenta, quae denique ipse de inflammatione observavi, in dissertatione mea expromere. Vastissimus est, quem ingressus sum campus, id quod egomet ipse minime ignoro, et, pro virium mearum modulo, immensum sane foret inceptum, si, quae ad eam materiam spectant, omnia exhaustire fuisse co-naturus.

Diu quidem observationibus disquirendis operam navavi, et, quae conscripsi, experimentis, ubi licuit, iterum iterumque examinare studui: nihilo secius tamen me non fugit, imperf ectum esse hoc meum opusculum, multa addenda multaque corrígenda; quare, ut tenuia ipsa cogitata, ita et tenuem sermonem, horum interpres, velim reputetis. Cum nor sit omnium omnia nosse (quod quidem vel nostrâ aetate vix ulli contigerit) neque ea, quae neverint, iis adornare atque exponere verbis, quae cuique satisfaciant, a vobis, lectores benevoli, enixe peto, ut quod vestris jam trado manibus, opusculum, nisi plausu, indulgentia tamen vestrâ dignum habere velitis.

In tro ductio.

Ipsnm statum morbosum, quem in hisce pagellis novo atque accuratori examini subjeci, Graeci, qui primi ejus mentionem fecerunt, φλεγμονή, φλόγωσις, Romani, Inflammationem, Germani Entzündung, appellantur. Severiori et criticâ harum vocum factâ perquisitione, apparet, eas, ut infra magis patebit, non nisi metaphorico sensu tum esse adhibitas, nec veram morbi indolem, neque ejus sedem designare; tamen ut plurimae morborum denominatioes vetustatis dignitate atque usu esse sacratas. Originem ducunt ex istâ veterum opinione, pui, externorum morbi phænomenorum conditione ducti, calorem, ruborem, dolorem ac denique suppurationem, quasi com-

þustionis processum esse putarent, unde conclu-
debant, veram parti inflammatae inesse combus-
tionem, cuius causam proximam in nimio san-
guinis ardore, processu chemico producto, posi-
tam esse putabant. Quam sententiam, quae im-
primis e verbis Oribasii (1), Willisii (2) praeci-
pue Sylvii (3), Sydenhami (4), Waltheri Charle-
ton (5) et rel. elucet, qui effervescentiam et nimi-
um sanguinis ardorem, ut primam inflammationis
causam esse persuasi, hanc suam sententiam par-
tim et è observatione confirmari argumentaren-
tur, quod adustionibus externis inflammatorius
idem inducatur processus, qui interna quadam
sanguinis decompositione chemica, ut ipsorum
auctorum utar verbis, sequatur. Simplicissimam

(1) Synopsis L. VII. c. 24.

(2) Pharmacop. rational. P. 2. Sect. 1, Cap. VII.

(3) Prax. med. L. 2. c. 40. Opera med. Traject.
ad Rhen. et Amstelod. 1695. — J. Bapt. Burser. de Kan-
nilfeld Inst. med. pract. Tom. I. Hal. MDCCXCVIII.
§. X. XI.

(4) Prax. med. exper. Lips. 1695. Ejusd. Op. pmp,
p. 208 seq.

(5) Oeconomia animal.

inflammationis formam omnino adustione, ut v. c.
aqua servida, effici posse, novissimae etiam do-
cent observationes (6). Quodsi consideres, sum-
mam sanguinis temperiem, cuius ab atmosphaera, 15 aut
16 scalae Fahr. graduum non superare, et ad eum
in inflammatione non nisi raro adscendere gra-
duum, neque esse causam, sed effectum inflamma-
tionis, neque vero hanc temperiem auctam suffi-
cere ad producendam combustionem; in aprico
sunt hujus theoriae errores et contradictiones,
inflammationem igne, processu quodam chemico
producto, effectam constituentes. Ex ipso aucto-
rum dissensu, circa indeolem et sedem inflamma-
tionis solenni, primum est colligere, quantum hoc
scrutinium prematur difficultatibus, et quam ar-
duum sit, hoc de morbo justam et adaequatam
definitionem pronunciare. Mirum quantum in
definienda hujus morbi indole et conditione invi-
cem dissentiant auctores, tum veteres tum ii, quos
recentior tulit aetas; ut Medici ita et Chirurgi

(6) Théorie der Entz. v. Fr. v. P. Gruithuisen. —
Med. Chir. Zeitg. Jahrg. 1816, No. 34.

aliam atque aliam semper considerandi et examinandi viam sunt ingressi. Veteres auctores, plerumque Chirurgi, in suis scriptis solummodo symptomatum inflammationis expositionem, nempe indolem inflammationis externum tradebant; definitur ab ipsis inflammatio, quod sit tumor rubens, splendens, renitens, cum calore, dolore fixo, pulsu duro, functione laesae partis affectae, et quod morbum febris concomitari soleat. — Ex hac artis medicae periodo supersunt nobis descriptiones inflammationum, quales sane habueris quod mirere. Licet haec omnia ad morbum ab omnibus aliis distinguendum sufficient, nucleus tamen sub cortice latitans non tangitur. Quaestione mouere oportet: quaenam sit causa horum phaenomenorum? quae deinde hujus morbi proxima causa? quae sedes?

Nihilominus tamen quavis aetate florebant Medici et Chirurgi, fama atque eruditione nobiles, qui studio indefesso, quacunque sibi in inflammatione indaganda fuerint oblata, ut fide singulari ac solertia, ita nec minori eruditiose ingeniique acumine tradent a posterioris curarent. Quo quidem modo potissimum effectum est, ut ad cog-

nitionem hujus morbi sensim sensimque devenerint, in spem haud inanem adducti, fore, ut ad perfectam hujus morbi cognitionem aliquando aspirent! Multam praeterea lucis et emolumenti exacta notitia physiologiae et anatomiae, non negligenta zootomia, anatomia comparativa, phyto- et zoochirurgia contulit. Notitia exacta illius status, quo quidem sit, ut homini functiones suas apposite ad finem existentiae suae organicae obtinendum exercere liceat, et qui sanitatis nomine venit, nec non ingeniosa celeberrimorum Physiologorum observata, et doctrina de conceptione, secundatione et genesi, plurimam lucem huic materiae offundebant; haec enim analogiam inflammationis exhibit, ea nos edocet, qualis et quanta in inflammatione a statu normali sit aberratio. Dolendum vero, conamina nostra magnis obnoxia esse obstaculis, cum processum organico-vegetativum, perpetuam nempe materiae compositionem et decompositionem in ipso organismo vivo intueri non liceat; solummodo ex hisce multisariis processibus redundantibus effectus sensu percipimus et argumentamur, unum sine altero a recta tramite aberrare non posse, si effectus sint normales, si.

inul et processus naturae esse convenientes et vi-
cissim.

Organismo humano inest facultas integrati-
tem suam conservandi et materiam suam fini suo
convenienter immutandi. Organismus humanus
minime a natura quasi sejunctus et separatus, sed
ut membrum seu pars ejusdem, a natura externa
afficitur, immutatur, simul etiam tum mixtionis
tum structurae, habita ratione, compositus est;
phaenomena igitur, quae organismus prodit, non
nisi ex peculiari ejus mixtione et structura, viri-
busque inde enatis prodire et explicari possunt.
Natura externa organismum nostrum in anorgani-
cum processum arripare contendit, is contra, vi-
ribus suis resistens, reagit, innumeras et easdem
diversissimas res externas singulari sua agendi po-
testate praeditus, evitare, sibi accommodare, im-
mutare studet. Hinc naturae humanae vires di-
versimode determinari, incitari, opprimi possunt.
Si tali modo organa nostra eorumque functiones
singulatim labefactentur, perturbentur, oppri-
mantur, reliquus organismus majori cum impetu,
sui conservandi gratia, naturae externae obducta-
tur; cessat harmonica functionum tranquillitas,

et pro gradu potentiae nocentis undique apparent
functionum turbationes, quibus organismus inte-
gritatem suam conservat, sanitatem recuperat,
aut in detrimentum totius organismi succumbit.
Exempla priorum observamus in iis paroxysmis,
qui insultibus spasticis, podagricis, epilepticis,
febrisque et inflammationibus acutis sese manife-
stant; in his omnibus natura humana certamen
inire et integratatem suam conservare nititur; quin-
immo potentibus nocentibus devicius, non cessat,
licet incassum, resistere et eliminare materiam
morbosam, id quod variolatum, morte jam ap-
propinquante, eruptio docet.

Morbi consistunt non in solis functionum per-
turbationibus. In homine, qui morbo se adsec-
tum sensit, duo semper phaenomenorum genera
animadvertisuntur, a sanitate aliena, externa nem-
pe et hostilis irritatio, quae functiones organismi
turbat, et reactio organismi, quae viribus suis ir-
ritationem una cum suo irritamento removere con-
tendit. Ex interna quadam partium organismi
immutatione, ope irritationis enata, eorum virtus
vitalis morbose determinatur, incitatur, opprimi-
tur. Deficientibus inde aut immutatis harum

partium morbose determinatarum functionibus, turbatur simul conspiratio et harmonia reliquarum partium. His itaque positis, vis medicatrix naturae simul viribus suis adhibendis reagere, et conspirationem et harmoniam functionum restituere conatur.

Inter morbos inflammatione nullus frequenter; proclivitas et semina hujus morbi omnibus animalibus, non minus etiam plantis diverso in gradu competit.

Caput I.

Consideratio inflammationis in regno animali.

Notitia exacta tum mixtionis et structurae vi-
riunque inde enatarum, status gradusque natura-
lis, quibus quaelibet exercetur, tum conspiratio-
nis et harmoniae, quibus ad unum cundeinque
finem tendunt, plurimum offundit lucis inflamma-
tionis origini. Principia systemata organismi ani-
malis sunt nervi et vasa, una cum sanguine: am-
borum virtus et efficacia, si mutua et harmonica

eorum conspiratio turbetur, sese manifestat tan-
quam vim vitalem, arctioribus limitibus circum-
datam, tanquam prodromum inflammationis; in
morbo autem penitus evoluto, virtutis medicatri-
cis auxilia accendentia in reactione nonnunquam
modum matamque excedente observamus, cuius
molimina internum organismi morbosum statum
removere student.

Naturam iuflaminationis, qua processum or-
ganicum, processum evolutionis sive processum ye-
getativum si consideres (qui talem in plantis etiam
sese exhibet), conditionem inflammationis in ner-
vis et sanguine vivo quaerendam esse liquet, cum
ab his in animalibus quidem omnis processus vita-
lis, omnis foecundatio novique organismi animalis
productio dependeat, quam etiam in statu mor-
bosico per disharmoniam systematum commemorato-
rum, in omni genesi diversarum materiarum, tum
solidarum, tum fluidarum, organicam indolem
prae se ferentium ponimus. A mutua horum sy-
stematum relatione immutata, sicut omnino a struc-
tura organi inflammati pendet symptomatum di-
versitas et morbi decursus.

De vasorum organi inflammati statu.

Omnes medici hucusque sedem inflammatio-
nis in vasis, praecipue capillaribus, quaerebant,
sanguinis in iis stagnationem internam inflammatio-
nis naturam incusantas. Recentiores physiologi,
qui vasorum capillarum systema, ejusque func-
tiones in statu normali exactius determinarunt,
unde magna, ad inflammationis naturam explican-
dam redundant commoda, non fuerunt primi, qui
hujus rei mentionem fecerunt, sed iam apud veter-
os inveniuntur de vasis capillaribus vestigia (7).

Superfluum foret, singulas circa hanc mate-
riam theorias enarrare, cum solummodo verbi
discrepantes, in re ipsa utique conveniant; du-
atum solummodo, omnino sibi oppositum; neces-
sario mentib[us] facienda esse existimem, qua-
rum altera vasa capillaria in inflammatione debili-
tata, paralytica; altera e contra vim eorum ener-

(7) Bellinius de febrib. Proposit. XXI. p. 237.

Ejusd. de morb. pector., de Peripneum. p. 403;
et alibi Pitcairn. Elem. med. Physik. mathemat. L. 2.
c. IX. et XIV. — Friedr. Hoffmann Med. rat. systema.
Tom. IV. Sect. II. cap. I.

gice auctam esse censem, quae se tam in contrac-
tione, quam expansione manifestet, cum sint mo-
menta unius ejusdemque virtutis vitalis.

Priori opinioni addictus erat cel. Boerhaave
(8), qui, cum videret, inflammationis symptoma-
ta explicari posse ex obstructione arteriarum mi-
norum minimarumve, sanguine repletarum et ab-
normiter expansarum, cum attritu sanguinis a ter-
go urgētis, hinc etiam conjungi cum tumore,
talore, rubidine, pulsatione et loci dolore cen-
sebat. Sed contradictio, cui haec theoria est ob-
noxia, clare elucet, cum debilitata vasa ampliata
sanguinem emittant, minime vero sanguinem re-
tro agere valeant. Ejus commentator, Clar. van
Swieten (9), quum intelligeret, quantopere sibi
met ipsa contradicat haec theoria; aliam pronun-
ciat, monens, in parte inflammatā arteriarum mi-
nimarum quasdam harum esse obstipatas, sangu-
inem non transmittens, reliquarum velocitatem in
propellendo sanguine contra augeri. Concinit

(8) Boerhaave Aphorismi de cognosc. et curand.
morb. Lugd. Bat. 1737. §. 371. sq. §. 386.

(9) V. Swieten Commentar. T. I. §. 371. p. 626 sq.

cel. Roeschlaub (10) affirmans, in partibus inflammatis vitalem virtutem esse immutatam, ita ut impulsu sanguinis reagere, se, uti par sit, contrahere nequāeat, hinc simul arteriarum extremitatibus debilitatis prodire inflammationēm hoc ipso loco. Inflammatio in organo quodam potentissimis chemicis aut mechanicis excitata, si in illo vim vitalem tollere hae valerent, omnis spes sanitatis recuperandae evanesceret; eequanam ratione recuperare vitalem suam virtutem possexit, cum sola auxiliante natura tam saepe resolutio et sanatio subsequantur? unde in partibus inflammatis nova producta organica? unde vis haec reproducens et formans? vulnera neque sine medicamentorum incitantium et roborantium usu, nec per primam intentionem possent sanari. Necessario in qualibet vulneratione sphacelus timendus foret, quod quidem negari experientia jubet, nam vulnera saepissime ope lymphae plasticae, quam vulneris labia praebent, medicamentis iucitantibus et ro-

(10) Lehrbuch der Nosologie, Bamberg 1801, §. 1712—1717. — Magazin z. Vervollkommnung d. Med. IV. Bd. I. St.

borantibus non adhibitis, coalescunt. Roeschlaubii theoriae accedebant coll. Naegele (11), Ficker (12), Weinhold (13), Pistelli (14) et alii.

Cel. Vacca (15) congestionem aut semi-stagnationem in partibus inflammatis suspicabatur, quam in inertia, absoluta aut relativa asthenia hujus partis fundatam esse agnoscet; his itaque positis, pars sanguinis rubra adjacentia vasa lymphatica capillaria penetrare valet, quae vasa in statu sanitatis, pro impetus sanguinis conditione reagunt. Cel. Lubbock Med. Dr. similem tuebatur opinionem cel. Thomsonio (16) teste; considerans vasa tan-

(11) Beitrag zu einer naturgeschichtl. Darstell. der kräftigsten Erscheinung am thier. Körper, welche man Entzündung nennt.

(12) Aufsätze und Beobachtungen mit jedesmaliger Hinsicht auf die Erregungstheorie.

(13) Dissert. de Pareseos et meth. pareticae dignitate etc.

(14) Ueber d. Natur d. Entzünd.. S. Allg. M. Annal. 1821. p. 976.

(15) Liber de inflam. morbosae, quae in hum. corp. fit, natura, causis, effectibus et curatione Florent. 1765.

(16) Ueber die Entzünd., aus dem Engl. übersetzt von P. Krukenberg. Erster Bd. p. 105.

quam musculos excavatos, quae directà aut indirectà asthenià dilatari possint; quem dilatationis statum in inflammatione partium observari contendit, cum fibrae vasorum irritabiles asthenià laborent, unde vasa plus sanguinis capiunt; (ut autem ipsis ejus utar verbis) inflammationem nil esse aliud, nisi vasorum partis inflammatae genesin et incrementum. Si diametri vasorum, ob eorum atoniam, augeantur, vasa dilatentur, simul motus sanguinis non retardari non potest. — Hac etiam in theorìa plures animadverteris contradictiones; ad astheniam indirectam, cuius auctor mentionem facit, quod attinet, qua vasa dilatantur, ea deberet esse vis contractioni opposita, quae se in inflammatione prodat, quin vasa directe suis sent debilitata. Praeterea adserere allaborat, inflammationem nil esse aliud, nisi genesin vasorum, quae irritamentis detractis tollatur; ergo ipse concedit, vasa crèsentia i. e. inflammata adhuc esse irritabilia, et detrahendo irritamento tolli inflammationem. Omnino in inflammatione ncu solum incrementum voluminis vasorum observamus, sed etiam, uti infra patebit, nova oriuntur vasa. Irritamentorum inopia etiam genesin et formationem

pseudo-vasorum impedit, imo nutritione deficiente ea collabuntur et evanescunt; aliter autem sese res habet in plethora, aliter in inflammatione; nam multitudo et lumina vasorum sanguinis copiae sese adaptant; sicuti uterus in generationis et graviditatis statu snà sibi proprià virtute plasticà capit incrementa, quem liquore amnii et embryo incremente dilatari quis, quaeso, dixerit? Cel. Vacca summopere celebratae opioni Cl. Allen (17) accedebat, eamque confirmare studebat, persuasus, ómnem sanguinis motum a virtute vasorum musculari dependere, eamque virtutem aequabiliter in toto organismo sive augeri sive imminui posse, aut minus aequabiliter simul augeri et imminui. Vasorum autem capillarium vi vitali imminutà, majora majorem sanguinis iis adveniunt copiam, quam ut hanc in venas, ea, quae par est celeritate propellere possint; hinc congestio prodromus inflammationis. His consideratis ad ductus Cl. Allen inflammationis sedem in vasis capillaribus ponendam esse censuit, quae minori, quam cetera vasa, celeritate, sanguinem vehunt.

(17) Thomson Op. cit. Tom. I. p. 107.

Novissimis temporibus viri ingeniosi, et suis ipsorum et aliorum experimentis ducti, vasorum capillarium in statu inflammatorio astheniam et atoniam defendebant; Cl. Wilson Philip (18) cuius theoria similis est Roeschlaubianae, omnem astheniam vasorum capillarium partis inflammatae negat, affirmans asthenice ea esse dilatata, majora autem vasa huic commemoratae parti sanguinem advehentia id absolvere virtutē vitali, insinuante auctā. His itaque positis, una cum aliis experimentis, in animalibus tum calido tum frigido sanguine praeditis, institutis, adserere studet, vasa capillaria partis cuiusdam inflammatae, abnormiter dilatari, debilitari, inflammationis activae et passivae discrimen positum esse in gradu, quo vasa majora irritentur: et in resolutione procurandā primum fore officium, reactionem vasorum majorum advehentium imminuendi, capillaria econtra corroborandi.

(18) Eine auf Versuche gegründete Untersuchung über die Gesetze der Functionen des Lebens. Nach der zweiten Ausgabe aus dem Engl. übersetzt von Dr. Sontheimer. Stuttgart 1822.

Cel. Hastings (19) in suis scriptis irritabilitatem Halleri considerat tanquam virtutem vitalem, quae se, irritamentis adhibitis, in fibris muscularibus manifestet, quam virtutem arteriis etiam, utpote quarum membrana media muscularis sit, concedit. In vivisectionibus arterias ab adjacentibus partibus denudates, mechanice et chemice irritabat; quo facto ea se contrahere, imo etiam in Cynanche tonsillari Carotidem partis affectac majori impetu pulsare observavit. Vasis capillaribus insigniorem tribuit irritabilitatem, accedens nempe ad sententiam Cl. Hunteri (20) docentis, vasa minora fibris muscularibus majorem in modum esse praedita. Monet idem, observationem effectuum, irritationem subsequentium, luculentter demonstrare, tales eas esse, quae in primo applicationis momento contractilitatem vasorum adangeant, sed elapso quodam temporis spatio, certum astheniae gradum succedere. E suis observationibus has quidem tulit sententias: quaedam

(19) Abhandl. über die Entzündung der Schleimhaut der Lungen etc. Aus dem Englischen übers. v. Van dem Busch. Bremen 1822.

(20) Versuche über das Blut, die Entzündung und die Schußwunden. I. Bd. p. 235.

existere irritamenta, quae circulationem accelerent, contractione vasorum aucta; in hoc ipso irritationis momento, inflammatione nondum succedente, vasa contrahi, eorum ambitum imminui, partemque male affectam pallidam apparere; irritatione autem diu continuata aut adiecta, vasa minora dilatari, sanguine spisso, rubro, lente se movente oppleri. Praevia dilatatione vasorum, et impedita circulatione, manifestari inflammationem; irritamento vero remoto, vasa capillaria sensim sensimque suam iterum adipisci vim contractivam, qua recuperata, impetu sanguinis, majori in copia vasis majoribus advecti, resistere posse, neque amplius abnormiter dilatari. Cum dilatatio vasorum minimorum etiam exhalantia vasa attingat, sugillationes et extravasata per anastomosin, una cum inflammatione apparere possunt. Vasa majora majori cum impetu mala proportione auctam sanguinis copiam advehere, docet pulsatio ipsorum temere aucta, uti in Cynanche tonsillari; id vero eo se manifestat, quod vis vasorum capillarium partis inflammatae suppressa, accumulationi sanguinis resistere nequeat, unde vasa majora una cum nervis suis irritantur, sanguinis libero transitu in iis simul impedito.

His itaque consideratis, actus inflammationis, secundum cel. Hastings, in asthenia et dilatatione vasorum capillarium et insigniter aucta reactione arteriarum majorum cernitur. Simul autem auctor noster monet: hanec auctam vasorum majorum virtutem vitalem non semper partem constitutivam inflammationis esse necessariam, cum inflammations exstant, in quibus ea non observetur. Sed perpendas, quaequo, hasce quaestiones inde oriundas: unde primaeva magna sanguinis copia, vasa capillaria dilatans? unde haec debilitati poterant? Si, uti auctor refert, inde factum fuerit, quod vasa majora sanguine abundant, et irritatione suorum nervorum ad fortiores impellantur contractiones, quo facto sanguis in minora protrudatur, quaero: quidni et minora, sanguinis ope, ad similes contractiones stimulentur? sintne nervi vasorum capillarium huic irritationi non obnoxii? unde mira nervorum discrepantia? Anatomicae perlustrationes magis utique contrarium monstrant, nam, in ramificatione, quo minora evadunt vasa, eo majorem magisque variam subiungunt complicationem, eo gravior eorum functio est, et gravissima quidem apparent eorum ramifi-

catio in apparatu vegetativo, in quo prima vitalis fabricae stamina in generatione evolvuntur. In minimis nutritioni inservit uris ramificationibus arteriarum pariter et nervi in minimis suis filamentis arterias concomitantes, plexus constituunt, unde sit, ut in quolibet organo, secretioni et excretioni inserviente, tam magna vitalitatis vis se manifestet (21.) Pari modo interrogare licuerit: unde, praesumpta asthenia vasorum capillarum, haec vis resultet, qua sanguis, vasa exhalantia penetrans, extravasata repraesentat? cum auctor noster contendat, virtutem contractilem in vasis majoribus non semper esse auctam, et activam et passivam haemorrhagiam in inflammatione omnes medici agnoscant. Activam haemorrhagiam Cl. Langenbeck (22) considerat tanquam auctam secretionis vim in arteriarum extremitatibus, quae in statu sano non rubrum contineant sanguinem; haec extremitates neutiquam asthenia laborant, sed aucta eorum virtute vitali sese expandunt, uti vasa iri-

(21) Langenbeck, Nosol. u. Therapie der chirurgischen Krankheiten. T. I. p. 119.

(22) Op. cit. p. 178.

dis in statu suae expansionis et corporum cavernosorum in erectione penis, sola vitali sua expansione rubrum nanciscuntur sanguinem, et contractiva, qua pollut vi propellunt. Est haemorrhagia molimen naturae, quo immodice auctam vitalitatem vasorum capillarium auferre studet. Si tunc haemorrhagia in asthenia suam agnosceret causam, haemorrhagia econtra astheniam augeret, et aucta asthenia vice versa adaugeretur haemorrhagia; sed contrario fidem facit experientia. Haemorrhagia passiva ex atonia extremitatum arteriarum pendet, quae roborantibus cedit, sed in ipso statu inflammatorio locum habere non potest.

Qui causam inflammationis in mera dilatatione et debilitate vasorum capillarum, indeque proveniente accumulatione et stagnatione sanguinis quaerunt, numquid hi eundem statum in congestione assumunt, quae ab inflammatione haud facile distingui potest, sed eodem modo, quo orta fuerat, iterum evanescit? Asthenia neque tam cito oriri neque evanescere potest, cum testibus Hastings aliisque auctoribus, applicato irritamento, aucta contractio vasorum primus sit effectus, et longiori temporis spatio elapsa, asthenia subse-

quatur. Ecquis pudoris rubedinem ab asthenia vasorum capillarium et aucto impulsu a tergo petere potuerit? Sed neque inflammationis praesumta asthenia ex passiva extensione tam cito succedere potest, si memineris rubedinis et tumoris tam repente oborientium ex insectorum ictu, in quibus commenorata vasorum majorum pulsatio non observatur. Pulsatione autem succedente inflammationis processus partes adjacentes una cum vasis majoribus in processum auctae reactionis arripuit.

Si inflammatio in asthenia, dilatatione et opulatione sanguinis consisteret, (unde harmonia inter vasa majora et minora turbetur), et dilatatio vasorum capillarium ab aucta reactione vasorum majorum penderet, nulla reddi posset ratio, quidni in febre inflammatoria ulla localis inflammatio observetur. Estne fortassis oppletio vasorum majorum, unde illa ad fortiores reactiones adiunguntur, inde derivanda, quod sanguis in toto vasorum capillarium systemate stagnet, et vasa majora deinde et minora, majori sanguinis appulsi, permeabilia reddere conentur?

Hanc theoriā auctores auctoritate dignissimi

descendunt, contradicētibus aliis, non minus celeberrimis, praecipue Cel. Gorterio (23), quem praecedebat Cel. Stahl (24), Cel. Huntero (25) et aliis. Ex Gorterii sententia inflammatio est irritamento quadam aucta vis vitalis vasorum minorum, in organo quadam posita, et febris quidem localis, id quod haud dubie sequentes probant observationes: 1) arteriae partis inflammatae majori impetu pulsant, 2) incisione facta, magna vi sanguinem propellunt; 3) inflammatio non nunquam cum febre est conjuncta; 4) quaecunque cordis et vasorum vehementiam frangunt et imminuunt, inflammationem imminuere et auferre possunt; 5) saepe suminam vasorum atoniā, nullā praecedente inflammatione, contingere observamus, uti v. g. passivas congestiones; 6) e languescentia et atonia vasorum sensibilitas partis inflammatae aucta deduci nequit; 7) non calor sed frigus ex obſipilatione vasorum et stagnatione sanguinis

(23) Chiturg. repurg. L. III. c. III. — Compend. Med. Tract. 47.

(24) Theoria med. ver. etc. Hal. 1737. — Dissert. Inflamm. Pathol. vera.

(25) Versuche über das Blut etc. II. Bd. I. Abth,

oriri deberet; 8) nulla exsudatio lymphae plasticæ, nulla nova organica productio ex asthenia resultat, cum solius auctæ vasorum capillarium efficacie, quæ processum vegetativum inducunt, effectus esse possunt; 9) neque processus suppurationis ex atonia explicari potest; 10) denique nulla ratio reddi possit, cur applicatio irritamentorum, incitantium vel roborantium, inflammationem producere valeat, et cur illo tempore, quo maxime sunt exculta organa, ut functiones suas habeant, maximopere eiam inflammationibus sunt obnoxia. Cell. Cullen (26), Whytt (27), Macbride (28), Callisen (29), P. Frank (30), Richter (31), Pfaff (32), Imman. Meyer (33), Wendt

(26) Anfangsgründe der pract. Arzneiw. Lpz. 1778. Thl. I. p. 150 seq.

(27) Physiological Essays — Whytt's Works.

(28) Systemat. Einleitung in die theor. und prakt. Arzneikunde.

(29) System der neuern Wundarzneik. I. Th.

(30) De curand. hom. morb.

(31) Anfangsgr. der Wundarzneik. Göttingen 1778. Bd. I. p. 2. seq.

(32) Grundriss einer allg. Physiol. n. Pathol. Copenhagen 1801. Bd. I. §. 164. 343.

(33) Ueb. d. Natur d. Entz. Ein histor. kritischer Versuch. Berlin 1810.

(34), Reuß (35), et rel. simul etiam ad Gorterii accedunt sententiam, quorum plurimi auctam virtutem vitalem vasorum causam inflammationis esse existimant.

Ex jam praemissis et subsequentibus rationibus processum inflammationis processum ad-auctum vegetativum esse intelligimus, et hac de causa et nostræ opinioni non repugnat eorum sententia, qui in aucta reactione vasorum capillarium inflammationis naturam quaerunt. Primo quidem intuitu huic theoriae repugnare videntur observationes, cum vasa capillaria pro inflammationis gradu magis minusve dilatata et sanguine oppleta reperiantur; quod phaenomenon tum congesti tum inflammationi est commune, unde tam difficile. congestio ab incipiente inflammatione distinguitur. Duo ergo sunt symptomata, quae in serie phaenomenorum, inflammationem constanter concomitantium, velut postrema obser-

(34) Das Wesen d. Bedeut. u. ärztl. Beh. des Scharachs. Bresl. 1819.

(35) Darstell. d. Wesens d. Entz. u. d. Fieb. überhaupt etc. Aschaffenburg 1814.

varus: auctus sanguinis affluxus, et imminuta vasorum contractio, ex quorum confluxu pendent rubor, calor, tumor et dolor (36). Qui autem fit, ut sanguini viae pateant in iis vasis, quae in statu sano nullum sanguinem rubrum vehebant? Plurimi, uti ex supradictis appareat, impulsum sanguinis et passivam vasorum dilatationem, quae irritationem abnormem sequuntur, ut veram hujus phaenomeni causam agnoscebant; sed experientia teste constat, quodlibet irritamentum ad reactionem incitando, contractionem inducere. Alia ergo parietum vasorum capillarium immutatio contingere debet, ea quidem, quam sensibilitatem immutatam nominant (37); sanguine, ut relative heterogenea massæ haec vasa permeante, hoc phaenomenon neutram sanguini, sed abnormi cuidam statui parietum vasorum tribendum est, qui ex inflammationis processu pen-

(36) Ansichten über die allgem. Krankheitslehre von Prof. Parrot, p. 205. Dorpat 1822.

(37) Bichat. Allgem. Anatom. übers. von Pfaff. I. Theil. II. Abtheilung. Treviranus Biol. Bd. V. p. 413.

det. Virtutis vitalis morbosa immutatio, ex sensibilitatis alienato imperio pendens, ausam nobis praebet, distinguendi inflammationem a congestionem Tam congestio, quam inflammatio in dilatatione vasorum capillarium, ex localiter aucta virtute vitali, quae tanquam expansio sese manifestat, resultante, fundantur (38). Jam cel. Krause (39), hanc dilatationem considerabat tanquam vim activam (vitalem). Ill. Hebenstreit (40) phaenomena hujus virtutis simul sumta nomine turgoris vitalis designabat. Vigente sanitate, juvenili praesertim aetate facies rubet nitet-pue, corpus pulposius appetet, turgor vitalis unidique se manifestat, sanguinis circulatio alacriter absolvitur. Quisnam in hoc turgore vitali astheniam vasorum, et stagnationem sanguinis quaesiverit? Quod tum vitalis vis expansiva in-

(38) Kreysig Syst. d. pract. Heilk. Thl. II. — Bichat. Op. cit. — Langenbeck Nosol. u. Therap. der chirurg. Krankh. Thl. I.

(39) In dessen Uebersetzung der Hallerschen Abhandl. v. d. empfindlichen und reizbaren Theilen d. menschl. K. Lpz. 1756.

(40) De turgore vitali etc.

ducere valet, idem magis etiam inflammatio (41). Solidas corporis partes et sanguinem hac virtute expansiva pollere, nos quidem existimamus, alter subitaneus collapsus, quo corpus, morte appropinquante, suum perdit turgorem perspici non posset.

Cl. Hunter (42) etiam processum inflammationis in auctâ arteriarum reactione quaerit, quae ab initio in solâ vasorum dilatatione extraordinariâ consistat. Si, inquit, languescentia tunicae muscularis vasorum causa foret inflammationis, hanc in paralysi obviam esse oporteret. Non sola languescentia et expansio passiva, sed aucta quaedam actio sub oculis cadit, qua ad certos fines efficitur expansio vasorum.

Cel. Kreysig (43), qui inflammationis processum diligenter observavit et naturae convenerienter descripsit, pariter censet, processum eum esse vegetativum, affirmans, virtutem vasorum

(41) Bichat. Op. cit. I. c.

(42) Op. cit. II. Bd. I. Abthl. p. 129. sq.

(43) Op. c. T. II. Abthl. I. p. 244.

capillarium et processum plasticum sanguinis esse auctos, et in determinato temporis spatio plus humoris, regenerationi inservientis, parti, morbose affectae, advehi, ibique deponi, quam natura exigit; pars inflammatâ dehinc tumet, minimaque vasa pulsant. Observationes microscopicae novorum vasorum genesin de:exerunt; sic producta nova texturam spongiosam, vasis intertextam, quinimo et organa inflammata, nec non ossa hanc nanciscuntur indolem, tument ab initio, extravasatione in illis non observata.

Vim commemoratam expansivam camque activam vasorum minorum cel. Bichat (44) sequentibus comprobare studet experientis: 1) Musculus excavatus, uti cor vel ventriculus, in vivisectionibus protractus a contentis liberatus, irritamentis externis excitatus, alterna vice contrahitur ac dilatatur, sicuti contentis oppletus id absolvit; 2) Nulla manus comprimentis vi adhibita dilatatio cordis potest impediri; 3) viviores expan-

(44) Op. c. II. Thl. I. Abthl. p. 330 sq.

siones et contractiones saepe possunt observari, si in animalibus fame laborantibus vivisectiones instituas; 4) Corde scalpellī ope irritato, expansio statim cernitur. E supra dictis colligit igitur cel. Bichat, tam expansionem quam contractionem ejusdem virtutis vitalis esse phaenomena. In iride quidēm, in pene et in papillis mammarum expansio vitalis palmarium est phaenomenon, et cel. Pechlin (45) inde etiam diastolen cordis petit. Cel. Treviranus (46) de motibus voluntariis molluscorum et zoophytorum docet, horum manus marinas hand minus turgescientiae, quam contractioni debere suam virtutem, earumque turgescientiam tam cito absolvit, tam fortiter perdurare, ut neutquam ab humorum affluxu pendere possit. At neque elater istius virtutis causa dici potuerit, cum tam mollusci quam zoophyti molli gaudeant corpore, vel minimi quidem elateris vestigii experte. Merito etiam, uti ex supra dic-

tis apparet, musculis animalium calidorum expansivam virtutem eandemque activam tribuere licebit. Experimenta cel. Thomsonii, quibus vasa membranae natatoriae ranae, salis culinaris solutione adPLICATĀ dilatabantur, nostram confirmant sententiam de expansione vasorum in inflammatione latam. Etiam cel. Langenbeck (47) ejusdem est sententiae, et prodromū inflammationis aequiparat turgori vitali.

In systemate vasorum capillarium perpetua expansionis et contractionis vicissitudo locum habet; his ad finē sibi propositum obtinendum harmonice conspirantibus, normalis earum vocantur status; contra expansione activā, vitalem superante contractionem, vasa sanguinem intussuscipiunt, cuius in statu sano participia non erant. Cel. Kraus (48) vim expansivam vitalem primariam omnis motus et vitae conditionem esse contendit. Effectus hujus virtutis fundamentalis solam nervorum irritationem subsequuntur, id

(45) De fabrica et usu cordis. Art. 12. Kilon. 1676. In Halleri Disp. Anat. select. Vol. II. p. 526.

(46) Vermischte Schriften v. G. u. L. C. Treviranus. Bd. I. p. 138. Biol. Bd. V. p. 252.

(47) Op. cit. Tbl. I. p. 133.

(48) Biologie. §. 4.

quod iridis et penis nervorum incitatione obser-
vari licet, quā factā horum minima vasa sanguine
ne turgent.

Hinc patet, inflammationis sedem non in pa-
renchymate solum, sed etiam in vasis capillaribus
partis inflammatæ locum habere, haec vasa ca-
pillaria, parietibus praedita, nunc tam rubram
quam serosam sanguinis partem vehentia, non
astheniā laborare, sed eorum vim vitalem esse
insigniter auctam, quippe quae cernatur in ex-
pansione (in aucto nempe turgore vitali), qua ex-
sudatio lymphæ plasticae, qua reunio partium
in continuitate solutarum perficitur, pseudomem-
branarum, vasorum novorum inoculantium *)
nonnunquam etiam puris genesis absolvuntur. —
Haec etiam docent microscopicæ observationes

*) In vehementi laryngis et bronchiorum inflam-
matione spuma, striis sanguineis picta, analogon quod-
piam exhibent; nam uti egomet ipse observavi, haec
atriæ sanguineæ, sputum tingentes, in microscopicis
perillustrationibus, dendriticas ramifications et anasto-
moses, quales in pseudo-membranis detegi licet, re-
praesentant; quae quidem spuma e lympha plastica ex-
sudante originem ducre, simulque polypis primordia
præcitere posse, existimem.

cel. Gruihuisenii (49) et his analogæ cel. Gme-
lini (50), qui vasorum novorum genesin signum
eximium inflammationis esse censem, qua a con-
gestione distinguitur. Cell. Kreysig (51), Carus
(52), Dzondi (53), Raimann (54), aliique cell.
viri suā id comprobant experientiā. In certis ae-
tatis periodis, præcipue evolutionis tempore, cer-
ta quoque organa præ ceteris prona ad inflam-
mationem redduntur: sic v. c. testes in puberta-
tis statu, cerebrum in dentitionis periodo, sic
ubera in infante lactando præ ceteris inflamman-
tur. Unde apparet, inflammationem esse incon-
venienter auctum processum vegetativum, in om-
ni gènesi et in incremento organismi processum
plasticum similes sequi leges, et turgorem vita-

(49) Microscop Unters. In Salzb. Med. Chir. Zeit.
1811. Bd. II. p. 298. sq. — Organozoonomie p.
183. etc.

(50) Allgem. Pathologie.

(51) Op. cit. Thl. II. p. 250 sq.

(52) Lehrbuch der Gynaekologie.

(53) Aphorism. de infl. Lb. I. Hal. 1814. Allg.

(54) Handb. d. speciell. med. Pathol. u. Therap.
Bd. I. Wien 1813.

lem inflammationis non nunquam esse prodromum. Vitam, plus quam par est (abnormiter) auctam, velut proximam inflammationis causam luculenter omnia demonstrant partis inflammatae phænomena; fidem faciunt observationes, eam induci et Augeri iis quidem irritamentis, quibus vis plastica augeatur, imminui contra et auferri methodo antiphlogistica, ut quae plasticitatem diminuit. Nec cel. Döllingeri (55) observata circa processum plasticum nostrae de inflammatione theoriae contradicunt; e moco animali originem sanguinis petit, mucive in sanguinem conversionem agnoscit. Praeterea docet in suo opere; simili modo sanguinem pulli gallinacei in vitello ovi, granulationem in vulneribus gigni. Ad quam sententiam accedit cel. Gruithuisen (56), persuasus, sanguinem in toto corpore simili modo gigni et reproduci, quod in vulneribus, si constitutio bona sit, et omnia reunionis impedimenta removeantur, certo quodam in inflamma-

(55) Was ist Absonderung, u. wie geschieht sie?

(56) Med. Chir. Zeit. 1820. Nr. 44. p. 280.

tionis gradu, materia organica producatur, quæ vasis et nervis praedita, partes dissolutas reunita, et reproduci possit. Non minus vasa, hac ratione exortae cicatricis, materiâ cereâ injecta, quam etiam ingens vasorum in ophthalmia copia luculenter demonstrant, sanguinem e muco animali exortum, ab initio sine vasis, in primis materiae organicæ staminibus se suâ ipsius virtute movere, et e sanguine vasa oriri, cum sanguis se quasi incrustans, suo sibi circuitu limites constituat (57), quod cel. Meckel observavit idem (58). —

In processu inflammatorio etiam sanguis suam exserit efficaciam. Sicuti enim ejus conditio (mixtio et indoles) a partibus solidis, nempe ex structura et vitalitate vasorum et nervorum imperio pendet, ita etiam sanguis vicissim in solidas reagit partes; sanguine enim, unde omnis genesis et incrementum organismi pendet, in partibus suis constitutivis permutato, non solum re-

(57) Langenbeck Op. c. T. I. p. 96.

(58) Handb. d. menschl. Anat. Bd. I. p. 167.

generatio et reproductio immutantur, sed etiam vasa, eorumque nervi saepissime in perversum agendi modum incitantur, oriuntur turbae, abnormes nempe partium solidarum reactiones.

Sanguis ab Hippocrate (59) caro fluida dictus, fluidum est, in corporib[us] omnium animalium circulans, vitam iis et nutritionem praebens. Musculi in functionibus exercendis sanguinis arteriosi indigent, quo deficiente omnis muscularis actio cessat; sic nervi, qui reproductionis actus dirigunt, rursus reproductionis indigent et sanguinis, nempe materiae ad reproductionem aptae. Sanguinem ut constitutivam organismi partem in tot tantique momenti processibus animalibus suam vim organicam exscrentem, vitæ participem factum esse existimamus. Antiquissimis itaque temporibus jam regnabat opinio, omnem vitam animalium in solo cerni sanguine, inhaerere sanguini flammulam vitalem. Cl. Helmont (60) Ar-

(59) De flatibus. Tom. I.

(60) J. B. v. Helmont Opp. omn. Francof. 1682.

chaeum in eo sedem habere censet. Harvey (61) aliique ejus antecessorum sanguini peculiarem tribuebant vitam, cui quidem opinioni accedunt etiam coll. Gallini (62), J. Hunter (63), Wilson Philip (64), Rosa (65), Al. de Humboldt (66), Hufeland (67), Haidemann (68), Treviranus (69), Krimer (70) et alii. Adversarii hujus opinionis

(61) De generatione animal. cap. 51.

(62) Saggio d'osserv. concern. gli nuovi progressi della Fisica del corpo umano; deutsch übers. Berlin 1794.

(63) Vers. üb. d. Blut etc. Bd. I. p. 169. sq.

(64) An inquiry into the moving powers employed in the circulation of the blood. London 1774.

(65) Lettere sopra alcune curiosità fisiol. Napol. 1788.

(66) Vers. üb. d. gereizte Muskel- u. Nervenfaser Bd. II. p. 265.

(67) Pathogenie p. 70. sq.

(68) Reil's Arch. Bd. VI. p. 417. sq.

(69) Biol. Bd. IV. p. 266. sq.

(70) Physiol. d. Blutes. Lpz. 1823. Thl. I. p. 212. sq.

sunt cel. Blumenbach (71), et reli, unde nos adhuc in ambiguo fluctuat.

Angustas has meae dissertationis pagella, excederem, singulas et e diametro sibi oppositas rationes pronuntiaturus, quibus suas tueri hypotheses studerent defensores. Accedit, quod ne adaequatam quidem ipsius vitæ definitionem reddi, ejusque limites determinari licet. Necessario igitur logices præcepta sequi si voleas, omnibus organismi partibus vita aut concedenda aut deneganda foret; nam assiduâ observatione constat, vitam harmonice per universum corpus esse diffusam, e fâbricâ vitali pendentem omnium organismi functionum causam esse primariam et contra.

De nervorum in processu inflammationis efficaciâ.

Quomadmodum in statu sanitatis processus

(71) De vi vitali sanguini neganda, vita autem propr. solidis quibusdam c. h. partib. adserenda cura. iterata Gött. 1795.

organico-chemici, qui in multisariis cernuntur secretionibus, non sola vasorum et sanguinis in his circulantis efficaciâ perficiuntur, sed nervorum interventu et regimine absolvuntur, ita inflammatorius processus nervorum virtute maxima ex parte dirigitur. Solo sanguinis affluxu, quantitative vel âucto, vel imminuto producta organica vel augeri, vel minui deberent, neutiquam autem qualitatively immutata producta, quae inflammatio prodit, intelligi et explicari possent, nisi vacorum novorum, puris etc. genesis. Quis, quoero, e diversâ vasorum structurâ, bilis, succi gastrici, enterici, etc. secretionem intelligeret, nisi ad nervorum efficaciam in re explicanda conserueret? id quod experientia etiam confirmat; pathemata enim animi nervorum ope totum concurunt organismum, turbant sanguinis motum, alienant secretiones, temperaturam mutant. Egregie hinc cl. Kraus (73) refert, in primaevō embryone nervosam virtutem solummodo sese manifestare, et hoc quidem eo affirmare studet, quod in prima embryonis evolutione et delineatione,

(73) Allgemeine Biol. §. 5.

primum, quod nascatur et appareat, medullae spinalis sint primordia; et his itaque positis, paulo post vasa in conspectum venire. Medulla spinali evoluta, ejusque ramificatione nascente, reliqua corpusculi animalis organa in conspectum producent, functionesque suas absolvendo, diversos processus vitales repraesentant. Systematis nervosi vim in sanguinis circulationem exsertam praeципue cl. Nasse (74), Krimmer (75), et alii perlustrabant, statuentes, omnem systematis irritabilis virtutem pendere ex nervorum efficacia, ideoque peculiarem virtutem irritabilem non esse agnoscendam, quia alias, destructa medulla spinali, sistema irritabile functiones suas adhuc exercere valeret, quod quidem negare experiantia jubemur.

Antecessores nostri nervorum efficaciam tam in processu normali vegetativo, quam in processu inflammationis non, uti par erat, aestimabant. Qui vero hujus rei mentionem fecerunt, sunt praे-

(74) Horn's Arch. Jan. u. Febr. 1818. Bd. I.

(75) Physiol. Untersuch. p. 189 △ 194.

primis Brambilla (76), qui stagnationem sanguinis in ultimis vasorum finibus ut proximam inflammationis causam agnosceret, tamen a nervorum irritatione petebat. Cl. Cullen (77), post eum cel. Callisen (78) inflammationem morbosam esse excitationem virium vitalium a stimulo quodam in systema vasculosum, sanguinem et calorem animalem agente exortam, docuerunt. Cel. J. P. Frank (79) aucta vi vitali partis correptae et accidente stimulo, fortis inflammationem nasci censebat. Cel. Bürdach (80) inflammationem sanguinis nimium cum nervis conflictum, per congestionem sanguinis in vasa serosa productum, esse contendit, nullam autem rationem reddit, cur non omnem congestionem inflammatio sequatur. Cel. Bartels (81) uti jam supra monuimus, abnormem vasorum, in detrimentum nervorum vigentem, actio-

(76) Ueber die Entzündungsgeschwulst. Erster Thl.

(77) Anfangsgr. der prakt. Arzneiw. Leipzig 1778.
Thl. I. p. 150 seqq.

(78) System der neuern Wundärzneik. Th. I.

(79) De curand. homin. morb. Epitome.

(80) Handbuch der Pathol. Lpz. 1808. §. 444.

(81) Pathol. Unters. Marburg 1812. Bd. I. p. 77 sqq.

nem omnium inflammationum causam esse primariam existimabat, cum in omni inflammatione vasa insimi ordinis vasorum sanguiferorum indolem induant (*vel quidem simulent*). Quo quidem auctore nervi in statu versarentur passivo, vasorumque vis in se ipsos foret retrogressa; in nutritionis negotio nervi a vasis capillaribus essent remoti, ita, ut *vasa*, nervorum regiminis immunia, sua ad subsequentem humorum dyscrasiam conferre valcant; in omni suspenso nervorum influxu, uti in deligatione et dissectione nervorum, summus inflammationis partis correptae gradus non subsequi non posset, quod saltem experientia non confirmatur. Sicuti in statu normali nervorum influxus necessarius est ad dirigendum vegetationis processum, ita etiam ad processum inflammationis; hinc multo magis virtutis nervosae regressivae loco, auctam nervorum actionem in omni inflammatione agnoscere oportet, cum externa inconsueta fortia irritamenta in eos tum remotius tum proxime agant. Ipse cel. auctor et alio loco (p. 77) aperte declarat: sine nervorum efficacia nullum existere processum inflammatorium, propterea quod abnormiter aucta incitatio nervorum, illam

auctam in iis sensibilitatem, quae ad inflammationem generandam requiruntur, provocare possit. Cel. Wedemeyer (82) recte monet: quo magis pars quaedam organismi nervis abundet, quo major in ea sit sensibilitas, tanto graviorem in ea accedere posse inflammationem; porro: sicuti nervi capillares in statu sanitatis processui vegetativo praesint, ita eum in statu morboso inde non dirigi non posse. Ad sententiam ejus accedebat cel. Wendt (83).

Experimenta cell. Thomson (84), Nasse (85), Krimer (86), Le Gallois (87), Brodie (88), Le Rou (89), Magendie (90), Wilson Philip (91), et

(82) Physiol. Unters. etc. p. 97.

(83) Darst. d. Wesens der Entz. u. d. Fieber überhaupt etc. Aschaffenburg 1814.

(84) Ueber die Entz. Thl. I.

(85) Horn's Arch. J. 1818. Reil u. Autenrieth Archiv, Bd. XII.

(86) Op. cit. l. c. ,

(87) Meckel's Archiv. Bd. III. p. 436 sq.

(88) Reil u. Autenrieth Arch. Bd. XII. p. 182 et al.

(89) Ibid. — Treviranus Biol. Bd. V.

(90) Physiol. Bd. I. — Meckel's Arch. Bd. IV.

(91) Untersuchung über die Gesetze der Functionen des Lebens. Aus dem Engl. übersetzt von Sontheimer. Stuttgart, 1822. p. 62. 226 seq.

rel. nervorum potentiam et praesidium in circulatione, secretionibus, chemismo vitali; nec non in inflammationis processu satis luculenter demonstrarunt.

Qualis autem nexus causal is affectionem inter morbosam nervorum et morbosam vasorum affectionem intercedit? Numquid provocetur morbosa systematis nervosi immutatio morbose immutata actione vasorum? an vitientur vasa capillaria in functionibus suis nervorum vitiosa indole? Aucta sensibilitas ab aucta vasorum actione hodieque derivabatur, sed non potest non corruiere haec opinio, si consideres, inflammationem multisariis, e diametro sibi oppositis causis provocari; sic frigus et aestus, sic irritamenta mechanica et psychica inflammationi oriundae ansam praebent. Perfrigerio autem vasa oppleri quis queso affirmare, aut pathemata animi non prius agere in nervos, quis negare ausit? Cel. Nasse (92) monet, istam opinionem, secundum quam vasa in inflammatione praeprimis afficiantur, atque inde cetera mala,

(92) Reil und Autenrieth Archiv; l. c. Meckel's Archiv, Bd. II.

inflammationem concomitantia resultant, secundum ea, quae nostra aetas de nervorum in circulationem, temperaturam et reproductionem influxu docuit, mere esse arbitriam.

Cel. Krimeri (93) experimenta in animalibus tum calidis tum frigidis instituta docent, eas organismi partes, quarum nervi primarii dissecabantur, ita ut omnis influxus in illis tolleretur, nec irritamentis mechanicis, neque chemicis ab inflammatione corripi. Denudatis contra nervis ischiadicis in cuniculo et irritatis, mox subsequabantur inflammationis vestigia.

Cel. John Lizars (94) contendit, partis ab inflammatione corripiendae nervos in primis morbose affici, et (hos) irritationem sua in arteriis calorem, ruborem, tumorem et cetera inflammationis symptomata provocare; omnem actionem organismi, tum sani tum morbosii a nervis incipere, e. g. vomitum, sternutationem, turgescentiam quarundam partium etc. Ophthalmia quoque dolore pri-

(93) Op. cit. p. 146. 163. 192 seq.

(94) Bemerk. über d. Bedeut. d. Entz. etc. In Med. Chir. Zeit. J. 1820, Bd. I. p. 149.

mum sese manifestat, nervorum nimirum actione, deinde calore, denique rubore et tumore, ab influxu nervorum in vasa oriundo.

Cel. Bichat (95) nervorum influxum in reproductionis et inflammationis processum propterea denegavit; quod in iis partibus, quae aut paucissimis gaudent nervis, aut iis omnino carent, ut in cartilaginibus, tendinibus, ligamentis, reproductionis processus eodem absolvatur gradu, ut in organis, quae plurimis praediti sunt nervis. Ad haec respondebat cel. Treviranus (96): quemlibet nervum suā gaudere sphærā, et, ultra quam cultro anatomico persequi liceat, suam exhibere efficaciam. Cujus rei exemplum praebet plica polonica, in qua capilli, in sanitatis statu nervorum omnino expertes, in morbo statu magnam nanciscuntur sensibilitatem. Quum cel. Bichat proximā inflammationis causam in concitatā vasorum capillarium actione ponit, haec solummodo a nervorum actione petenda foret, cum; influxu

(95) Allgem. Anat. Erster Thl. I. Abth. p. 253.

(96) Biol. Bd. V. p. 409.

nervorum sublato, haec concitatio tollatur et impediatur.

His proxime accedunt observationes quae sequuntur: quo altiorem perfectionis gradum systema nervosum in animalibus attigerit, eo procliviora sunt; in sistēmate quidem sensibili, ad inflammationem; homines, magna receptivitate et sensitivae vitae temperie gaudentes; ad inflammations sunt procliviōres; si magna cuiuspiam organi est sensibilitas, et pluribus gaudet nervis, inflammatio accēdens gangraenam inferre plerumque solet; languescēte nervorum actione; aegre tardeque inflammatio accedit proceditque; idcirco vesicatoria nullum hoc in statu praebeat effectum; contra in adaucta nervorum actione (uti in hysteria); et in abnormi animi irritatione (sicuti in paθēmatibus) inflammatio; ut quae ad decursum et gradum utique abhorreat a naturae lege; inflammations intērnae derivari possunt in loca externa; mutato febris charactere mutatur et inflammatio; itaque in gangraena senili antispasmodica, Moschus, Camphora, Opium, optima sunt remedia:

Quemadmodum inflammationis processus ner-

vorum influxu provocatur, modificatur et dirigitur, ita pariter pyogenesis. Sic v. c, cel. Kriener (97), nervo ischiadicō canis penitus dissecto, in vulnere inde exerto, ex viridi-fuscum spissum, floccidum, foeculentum detexit ichorem, simul in alterius cruris vulnere, in quo nervi filamenta non penitus erant dissecta, pure bonae indolis reperto. Nervorum actione extincta, partes organicae (ita si dicere fas est) uti in gangraenā quasi confluunt. Quum igitur nervorum destructione omnis processus organico-chemicus tollatur, et diversa ejus temperie modificetur, satisclare patet, omnem processum organico-chemicum sub praesidio et regimine nervorum absolvi. Itaque majorem sensibilitatis gradum non ut effectum, sed ut causam inflammationis aestimandum censeo, ideoque omnis inflammatio non a vasorum, sed a nervorum immutatione incipit, nam solummodo nervi sunt illa organa, quae illa facultate gaudent, quā irritamentis afficiantur, et affectiones propagare possint.

Magna inde prodit quaestio: Quidni pueri-

(97) Physiol. Unters. p. 194.

bet nervorum irritatio et immutatio sensititatis inflammationem invehere possit, ut e. g. in spasmis et convulsioneibus? Magni profecto momenti est haec quaestio; sed constat, nervos diversis in oeconomia humana usibus esse destinatos, diversis e cerebri et medullac spinalis partibus oriundos esse sejunctos, diversos eorum apparatus mirum in modum esse compositos, et quemlibet modo turbari posse, ut in paralyse nunc iū qui motui, nunc qui sensui praesunt. Ita quoque certus datur apparatus nervorum, qui vasis capillaribus praecedit; neque confundi licet apparatus nervorum, qui vitæ animali praesidet, cum eo, qui vegetationem regit; hic, qui gangliis praecipue continetur, in statu sanitatis quidem vegetationem regit, et reproductionis organis virtutem suam largitur, in inflammationibus contra vitam vegetativam partis cuiusdam male affectas, in processu plastico, abnormiter aucto, sese manifestantem variat. Systemata nervorum, quae sensuum functiones et motus animales moderantur, in inflammationibus magis minusve secundario modo affici possunt, quippe qui communi vinculo jungantur et totum constituant; conjunguntur se-

gregata haec nervorum systemata nervo sympathico maximo et vago. Actus vegetationis ab arbitrio et sensu est alienus; sin morbose immutatur et in uno alterove organo inflammatio exoriat, tum quidem nervus sympathicus illud est organon, cuius ope localis affectio immutari possit in universalem, nam ille nervus systema cerebrale illi vitae vegetatiiae sociat, quo, sicut cel. Bi-chat (98) pronunciat, sensibilitas organica animalis mansiscitur indolem. E nervo vago sympathia illa inter ventriculum, pulmones, cor, laryngem et cerebrum intercedens pendet; idcirco gastritidem tanquam systematis vegetativi vitium consideratam non nunquam universi organismi affectio concomitantur, quae nervo vago et sympathico magno inducitur.

Inflammatio igitur nequaquam unius tantum systematis turba est putanda, sed processus potius, ex actione et conspiratione diversarum organismi partium et systematum diversorum oriundus. Diversa organismi systemata neutiquam sejunctim in morbis a statu normali deflecti possunt, ita ut

(98) Allgem. Anat. Th. I. Abth. II.

unius systematis vigor sit auctus, alterius contra virtute simul suppressa; sed quodlibet suo modo, pro sui organismi conditione reagit. Sive arteria, sive nervo alicujus partis destructo, paralysis aut gangraena subsequetur. In functionibus cujuslibet partis exercendis, tum vasorum, tum nervorum actio requiritur. Divisio ista morborum, in quorum aliis sensibilitas aucta cum irritabilitate imminutâ observetur, et contra in aliis, imperfecta est, neque ullius in praxi usus, cum haec vilia, sublatâ morbi causâ, simul avanescant.

S y m p t o m a t o l o g i a.

Inflammationis symptomata, uti jam supra monuimus, sunt rubor, tumor, calor et dolor. Deficiente uno alterove horum phaenomenorum, in animalibus rubro calidoque sanguine gaudentibus, inflammationem adesse negamus (99).

1) Exoritur rubor sanguine propulso in vasa

(99) Parrot, Ansichten der allgem. Krankheitslehre
p. 201.

capillaria, quae, in statu normali nullum videntia sanguinem, nunc in vitali expansione sunt constituta. Sic, in chemosi, oculo nudo conjunctivam (tunicam) aequaliter rubescit, armato autem oculo rete vasculosum radiatum disiectum, ex uno punto exiens, et sanguine oppletum animadverteris. Quà ipsà quidem re, nec non minori temporis spatio sese ipsa distinguit inflammationatio a sola congestione, ut in rubore pudoris (Schamröthe), ubi non nisi momentaneus auctus sanguinis affluxus in vasa minora. Secundum cel. Gruithuisen (100) rubor inde exoritur, quod in conjunctivā (tunica) simili fere modo, ut in cuticulā vitelli (chorio, Dotterhaut) ovi incubati novi generentur globuli sanguinis rubri, qui novorum vasorum genesi primordia praebent. Huic opinioni etiam cel. Hunter (101) accedere videtur. Magis interim ab oppletione vasorum jam praeformatorum, et eorum vasorum capillarium, quae in statu sanitatis solummodo serum vehunt, rubedi-

(100) Theorie der Entz. von Fr. v. P. Gruithusen. In Salzb. med. chir. Zeit. J. 1816. No. 34.

(101) Vers. über d. Blut etc. Tbl. II. p. 125 seq.

nis originem petendam esse censeo; nam in prodromo inflammationis, partis corrēptac secretionis et nutritionis actu non abnormi, jam aucta rubedo animadverterit; ideoque non a genesi sanguinis et novorum vasorum e lymphā plasticā, in parenchymate effusa, sese formantium foret petendus. In ipso combustionis momento partes rubescunt, et quis est, qui affirmare ausit, eodem momento nova oriri vasa? Dilatatio vitalis minimorum vasorum, corum oppletio in cadaverum per illustrationibus praecipue apparet, cum partium inflamarum vasa perscruteris injectionibus. Rubedinis diversi sunt gradus;

2) Tumorem, indeque oriundam tensionem tum veteres tum recentiores, ab aucto sanguinis influxu in vasa partis inflammatae, ejusque extravasatione in tunicam cellularē derivare studebant auctores. At si auctus humorum affluxus et sanguinis congestio unica tumoris indeque resultantis tensionis causa esset, unde, quaeso, tumores albi, frigidi, aquosi forent derivandi? Consideres, quaeso, ossa inflamnata, tam cito intumescentia, consideres, inquam, magnam congectionem locum habere posse, nullā inflammatione

illatā, et vasa peculiari virtute expansiva esse praedita. Itaque cel. Kreysig (102) et Langenbeck (103) auctoribus primaria tumoris causa in inflammationis principio, in peculiari virtute expansivā vasorum capillarū, secundaria vero in sanguinis influxu foret quaerenda. In progressu autem inflammationis non nunquam exsudationis et secretionis actus nimis augetur, lympha plastica exsudatur, quae, coagulata, interstitia cellularia occupat, unde ratio petenda est, cur tumorum tam saepe tanta sit pertinacia, quibus neque natura neque ars mederi possit. Tali ratione etiam pseudomembranarum genesis e materia fibrosa intellegi possit. Cel. Gruithuisen (104) sanguinis stagnationem in vasis capillaribus hypotheticam esse affirmat; utpote quam potius e nova, globularum sanguinis genesi, extra vasa capillaria derivare studet.

5) Caloris majorem plerumque gradum sentire putat aegrotus, quam revera thermome-

(102) Op. cit. Tom. I. p. 134.

(103) Op. cit. T. I. p. 198.

(104) Theorie d. Entz. In med. chir. Zeit. 1816.

trum indicat. Secundum experimenta cel. Thomson (105) temperatura partis inflammatae non eum transilit gradum, quem sanguis in corde exhibit, qui in statu normali est 100° Fahr., in statu autem inflammatorio 107°. Sin vero temperatura partis inflammatae ad eum attinet gradum, quem in corde habet sanguis, in partibus a corde remotis, augmentum temperaturae majus non esse non potest, quam in vicinia cordis. Itaque patet, quod cel. Hunter (106) ait, in inflammationibus internis non tantopere augeri temperiem.

Unanimi auctorum consensu major temperatura gradus a male aucto sanguinis influxu derivatur. Sed sicuti nervorum influxu omnis inflammationē dirigitur, hanc aliter et temperatura. Quamquam enim partis inflammatae temperies eam non transilit, quae sanguinis est influentis, interrogari tamen licuerit: qui fiat, ut temperatura sanguinis in corde contenti, in statu morboso 107° nanciscatur? E plurimis physiologorum observationibus elucet, calorem animalem pendere ex

(105) Op. cit. T. I. p. 71.

(106) Op. cit. T. I.

processu, qui partim a cerebro et nervorum systemate, partim a sanguine in vasis capillaribus circulante efficiatur et dirigatur (107). Calorem certe nervorum influxum in sanguinem exerto effici, docet turgor vitalis, observari etiam licet, in nervorum ligatura et in paralysi, in quibus partes refrigerescunt, licet respiratio et circulatio persistant. Cel. Gruithuisen (108) auctum respirationis, reproductionis et destructionis processum tanquam ipsam caloris febrilis causam agnoscit, his verbis indicaturus, auctam esse partis inflammatae vitalem processum. Respirationis autem processum praeceptorum chemicorum fide nūl in inflammationibus topicis ad temperaturam augmentandam conserre, inde concludi licet, quod respiratione non sit accelerata, quinimmo consentanea legi naturae, nihil secius tamen adiectam partis inflammatae temperaturam animadvertere, imo in phthisicis temperaturam totius corporis auctam

(107) Reil Archiv Bd. IX. und XII. Langenbeck, I. c. Thomson I. c.

(108) Theorie der Entz. In med. chir. Zeit. 1816. I. c.

et respirationem languescentem. Sic in typho, in scarlatina, in morbillis sistema nervosum summopere irritatum et temperaturam valde auctam observes, sic contra languescente systemate nervoso, frigus exoritur. Neque a sola sanguinis influentis copia calor petendus foret, cum febres adynamicas, in quibus sanguinis inopia animadveritur, aestus concomitari solet, sic etiam in maciei generibus, arteriis obligatis, parvo tenoris intervallo, et in ultimis organismi, contra naturam externam oblectationibus. Temperaturae varietates a nervorum regimine et copia pendent, sic, quanto pluribus pars inflammata gaudent nervis, tanto major caloris gradus in ea percipiter. Fidem denique faciunt vivisectionis: sic cel. Le Gallois (109) et alii observabant, nervo vago dissecato, temperaturam imminui, perdurante respiratione.

4. De loco, ex immutata sensibilitate organica in parte inflammatâ pendens, primum plerumque inflammationis symptoma sistit, quod

(109) Kriener Physiol. Unters. — Wilson Functionen des Lebens etc.

præcipue observari licet in inflammationibus internorum organorum, cuius gradus simul inflammationis gradum indicat. Num sensibilitas immutata ex aucto sanguinis influxu originem ducat, determinari nequit, quamquam inflammationes partium tensarum, ut ligamentorum; ossium, summe cruciantibus doloribus, pulsantibus quoque comites habeant, contractiones vasorum ipsius respondentes; sic in pneumoniâ profundius inspirando, augentur dolores, cum pulmones dilatantur; pleura tensa premitur et expanditur; sic etiam dolent partes turgescibles in erectiōnis statu; et musculi in motu vescantes. Quod proinde et experientia comprobari videtur, cum in combustionibus; quamdiu vasorum intumescētia et expansio frigidis fomentationibus impeditur, dolor cohibeatur, non nunquam etiam penitus ablatâ inflammatione.

His omnibus ita constitutis, iamē explicari nequit, quā ex ratione; perdurante inflammatione dolores, tum vehementiā tum frequentiā, tam mire variant, neque tumoris gradui rēspōdeant, cum non nunquam penitus evanescant, perdurante tumore. Hinc apparet, sensibilitatis immutatio-

nem, quae doloris causa est, non a solā tensione mechanica pendere; observari enim licet, inflammations valde dolorosas fere nullo tumore stipatas, uti e. g. in oculorum inflammationibus cernitur. Sensibilitas quidem tunicae Schneidiana et cavi oris ita non nunquam imminuit potest, ut irritamentorum in iis exilis aut omnino nulla sit efficacia, in inflammatione oculi et auris contra ad irritationem suscipiendam magnā primitate hacc organa pollēit.

Quum arctissimus intimusque organorum sit nexus et ubique functiones eorum sibi sint adjunctae; continua comes et sequela vehementioris inflammationis est totius systematis vasorum et systematis nervosi affectio; illa typum continuæ febris auctae prae se fert; haec spasmos, ut tetanum traumaticum; trismum etc. inserre valet. Internarum ideoque partium, quiae sensibus non occurunt, inflammationes; vel febre et dolore continuo, vel functionibus partis adfectae alienatis, aut iis mutationibus; quae in organis remotis per consensum excitari valent, cognoscuntur:

Ex his apparet intimus nexus inter inflam-

mationem et febrem intercedens; nám aucta sensibilitas ad ultimos usque nervorum fines, quibus vasa diriguntur, propagata, vasorum quoque irritabilitatem angere, eaque in vitiosos motus adducere potest, unde febris originem petit, id quod in febri vulnerariâ observari licet; et cel. Frank (110) affirmat, in qualibet febri quandam inflammationis gradum locum habere.

Inflammatio est status morbosus, qui non solum in omnibus classibus regni animalis, sed etiam in vegetabilibus locum habet. Cel. Cruit-huisen (111) contendit, infusoria febribus et inflammationibus laborare posse. Ex supra dictis luculenter apparet, inflammationem esse processum in actu vegetativo sese manifestantem, quo praeprimis virtus vegetativa augeatur, deinde suâ in directione immutetur, ita ut nova inde redundant partes organicae, nisum repraesentet formativum intensiorem generationi analogum. Quo respectu etiam et plantis competit inflam-

(110) Epitome de morb. curand.

(111) Mikroskop. Unters. Vorrede zur Organisations-
zoönomie.

mationis status, ad quam rem exemplis illustran-
dam me accingo.

Caput II.

Consideratio processus inflammatorii in vegetabilibus.

In plantis reperimus fabricam vitalem, tam singularem partium conformatiōnem et apparatus ad conditiones vitales, symmetriam, relativam justamque virium et functionum harmoniam, quae sese invicem aptare valeant ad existentiae suae finem consequendum. Plantae vitam organicam manifestant, nequaquam ab universo se-
junctam, sed membrum totius sistunt, earum processus vegetativus ab innatâ pendet virtute plasti-
ca, irritamentis externis provocata et directa. Irrimenta mechanica, chemica, sicut cosmica suas in iis exserunt virtutes, quibus in rectum perversumque vigendi modum determinantur. Propulsio humorum in iis fini existentiae accomodata, differt quidem a circulatione animali;

observamus autem, ad eas plantae partes, in quibus irritatio locum habet, humores majori in quantitate propelli (112), hinc pariter in illas, quod in organismum animalem valet: ubi irritatio, ibi affluxus humorum. Hae potentiae externae, si certo quodam modo agunt, abnormem in partibus plantae irritatis affluxum humorum provocare, virtutem in iis plasticam augere, et directionem ejus immutare possunt, ita, ut novae inde redundant massae organicae, nisum representent formativum intensiorem, generationi analogum. Tali modo gallarum (turcicarum) genesis absolvitur, quae sunt producta intensioris processus vegetativi: nam Cynips L., insectum quodam, suo aculeo plantam vulnerare, et his in vulneribus ova sua deponere studet; vasa vulnerata intumescunt, prolongantur, nova oriuntur, quae ova circumdant, nutriunt, unde excrescentia et gallorum genesis pendet (113).

(112) Treviranus Biol. Bd. IV. p. 58.

(113) A. P. de Candolle u. K. Sprengel, Grundzüge d. wissenschaftl. Pflanzenkunde. Lpz. 1820. p. 365. §. 417.

Solà irritatione typus formae normalis variatur, ut id luculenter demonstrant observationes (114). Reiteratis vicibus aculeo Vespa et Apis plantas teneras vulneravi, et semper tumor exoriebatur, qui et extracto aculeo sibi constituit. Hac virtute plasticâ sanantur plantarum vulnera, fissurae, fracturae contorsiones etc., exsudante nimirum materiâ plasticâ, nova vasa formante. Hac virtute non solum dissolutae plantarum partes restringuntur, sed etiam cum partibus plantarum aliis generis et classis adunniuntur, id quod surculi insertio, inoculatio, copulatio, quas dicunt, demonstrant, quae inflammationi analogum processum postulant, quod in surculo inserendo mihi observare licuit; nam elapsis post insertione 24 horis, solam materiam gummosam detexi, quae in altero exemplo post 48 horas spissior erat, et in successu temporis magis magisque consolidoscebat, tamque fortiter adhaerebat trunco post 6 vel 8 dies surculus, ut difficulter tantum separari potuerit, et microscopicae observationes

(114) Ibid. p. 375. §. 428.

vascula detexerunt, quae ex parictibus uniendis originem ducebant. En processum analogum processui inflammatorio animali. Hi processus vegetativi, qui inflammationis analogiam sistunt, in structurā fundata reperiuntur, id quod ex diversis organis plantarum eorumque qualitatibus mechanicis et organico-chemicis appetet; quo respectu competit plantis irritabilitas, hac virtute propulsio humorum per vasa absolvitur, id quod et experimenta cel. Widenowii (115) demonstrant; confirmant etiam Droserae, Mimosae, Smithiae, Hedysari, Valisneriae, Oxalis etc. motus, et coitus et secundationis actus. —

Competit plantis reproductionis vis, nam e. g. cortex sublatus regeneratur. Plantae perinde atque animalia, proprium temperaturae gradum, ab atmosphaerā differentem, conservare student. Observari etiam in plantis licet molimina virtutis medicatricis.

Affirmavimus quidem nervorum virtute et praesidio omnem absolvī in organismo animali

(115) Grundriss d. Kräuterk. Berl. 1821. p. 368.

processum vegetativum plasticum, imo etiam inflammatorium, et nervis carere plathas concedendum erit, cum eorum praesentiam hodieque nemo dum ad oculos demonstravit. Conspicimus plantas vitae modum, processum mere vegetativum, animali similem, exhibere, cuius finis est conservatio individui et speciei; non minus ergo regulatori, nempe principio quodam gaudent, quo omnes plantae functiones apposite ad finem existentiae suae obtainendum diriguntur. Cujus actione elementa nisi fortiori in aliud, affinitate chemicā simplici non respondens, coguntur commercium, qua mixtionem suam et materiae suae formam constanter tueri valeant. Cum inferior plantarum sit evolutionis status, cum earum natus formativus circumscriptus sit arctioribus limitibus, mera reproductionis phaenomena sistunt in processu vegetativo, regulatore quodam directo. Hic regulator suam manifestat virtutem in chemismi vegetabilis consensu functionum, irritabilitate, reproductione et vi medicatrice; eum quoque processum inflammatorium plantarum, qui mere est processus vegetativus, dirigere, affirmari licet. Non solum commemoratos, processus

inflammatorii, effectus licet observari, sed etiam exulcerationem radicum desquamatarum, carcinoma arborum, necrosin, gangraenam, ustilaginem etc.

Inflammationem et gangraenam plantarum ab aucto succorum affluxu, accumulatione et inde oriundâ eorum stagnatione derivari licet. Cel. Wernck (116) affirmat, inflammationem ori-ri, succo nutritente ita accumulato, ut vasa intret aquosa ibique stagnet; quo facto denique gangraena exoriatur. Haec morbosa plantis conditio plerumque saepius accedere solet sicco ventu australi, per longius temporis intervallum flante, quo urgente transpiratio plantarum impeditur. Si succus nutritiens inter corticem et lignum arboris accumuletur, in cortice male affecto exoritur tumor (analogon tumoris albi referens), qui rumpens aquosam effundit materiam, quae atmosphaerae interventu, acrimoniae indolem nanciscitur, quo corticis laesio in phagedac-

(116) Versuch einer Pflanzen-Pathol. u. Therap. Manheim u. Heidelb. 1807. p. 22. §. 42. sq.)

niam abit exulcerationem, referentem omnino carcinomatis speciem; haec materia ichorosa, aquae immissae fundum petit, quod in normalibus plantarum fluidis non observatur.

Ex supra dictis patet, in pathologicis his plantarum, quae inflammationis ejusque exitus naturam praese ferunt, statibus non minus variis, praecipue minimorum, immutationem et succi nutritici metamorphosin, nec minus etiam naturae molimina observari, similia iis, quae animadvertisuntur in animalibus, si, inflammatio-nis denominationis nullâ habita ratione, solius processus vegetativi, non nunquam in plantis utilitatem, euergiam auctam consideres.

Quod autem ad symptomata et exitus inflammationis attinet, ab iis summopere non differre non possunt, quae in animantibus licet observari; nam etiamsi plantae et animalia conflentur ex elementis, quae in organicâ naturâ reperiuntur, unde ea etiam sibi appropriant, quibus ad se nutriendum est opus, tamen materiae earum qualitatem cum species, summopere discrepant, discrepant nimirum tum mixtionis,

tum structurae habitâ ratione viribusque inde
enatis. In hac materiarum organicarum conge-
rie, pro singularum indole diversâ, propriâ effi-
caciâ praeditâ, processum plasticum gerente, om-
nis vegetatio nititur, unde infinitam formarum
evolutionem et diversissimos vitae modos con-
spicimus.

Ea quae de materiâ organica tum anima-
lium tum vegetabilium, illius partium constitu-
entium relatione, proportione, discrepancia, ho-
rumque vitiosâ indole notatu digna sunt, in
operibus cell. Giese (117), Brandes (118) aliorum-
que continentur, sicuti ea, ad scrutinium organi-
orum plantarum diversis usibus destinatorum
quod attinet, quorum functionum concursu vita
vegetabilis absolvitur, in operibus cell. Willde-
now (119) Decandolle (120) K. Sprengel (121).

(117) Darstellung d. allg. Chemie, Dorpat 1820,
Bd. II.

(118) Opus cit. l. c. u. Schweigger's Journ. f.
Chem. u. Phys. Bd. I.

(119) Grundr. d. Kräuterkunde p. 369,

(120) Opus cit. l. c.

(121) Ibid.

Treviranus (122) etc. perlustrantur, quibus prop-
ter angustas hujus opusculi fines nihil subadde-
re possumus; hoc tantum habes, quod optes,
ut ulteriori scrutinio etiam functionum anima-
lium tum normalium tum morbosarum arcana
revelantur et circa conditiones et vires, quibus
tum animalia tum vegetabilia diuersos existen-
tiae suae status absolvunt, lucem aliquis offun-
dat pleniorem.

(122) Biol. Bd. IV.

T' h. e s e s,

I.

Spasmus, febris, inflammatio sunt morbi, quoad causam inter se affines,

II.

plurimi nervosi morbi in sphaera reproductiva primarium habent fontem;

III.

ideoque, in aetate infantum praeprimis, nunquam narcoticis egere licet ad eas avertendas.

IV.

Icterus neonatorum, erysipelas neonatorum et induratio telae cellulosa ex communi nascuntur fonte,

V.

Insultus epileptici, podagrifici et alii non nisi motus naturae critici sunt habendi.

VI.

Inflammationem inter et irritationem vasorum distinguendum est.

VII.

Omnibus febris status quidam inflammatorius organi cuiusdam subest.

VIII.

Febris intermittens splenitide semper concomitantur.

IX.

Typhus cum sit exitus febris inflammatoriae, saepissime etiam cum inflammatione conjunctus esse potest.

X.

Discrimen inter inflammationem sthenicam et asthenicam non statuo, quia semper una eadem que est.

XI.

Crusta inflammativa, sive absit, sive adsit, neque venae sectionis repetendae, neque omitendae indicem dixeris.

XII.

Phthisis pulmonalis sine praegressa inflammatione sponte oriri non potest.

XIII.

Calculi urinarii tum quoad genesin tum quoad materiam cum tophis arthriticis convenientiunt.

XIV.

Scarlatina nullo modo exanthematibus, sed inflammationibus maximo jure est adnumeranda, neque aliter quam ut febris mere inflammatoria curanda.

XV.

Hydrops ventriculorum cerebri morbus nunquam est primarius.

XVI.

Propria vi vitali gaudere sanguinem puto.

XVII.

Et plantae irritabilitate pollent;

XVIII.

qua propter et in illas valet: ubi irritatio, ibi affluxus humorum.